

摘藻堂四庫全書薈要

集部

欽定四庫全書薈要

集部

御定詠物詩選卷四百六十八

詳校官原任主事

臣李斯咏

欽定四庫全書薈要卷一萬九千九十

集部

御定佩文齋詠物詩選卷四百六十八

龍類附蛟虬

五言古

應龍篇

陳張正見

應龍未起時乃在淵底藏非雲足不蹈舉則冲天翔譬
彼野蘭草幽居常獨香清風播四遠萬里望芬芳隱居
可願志自見焉得彰

飛龍引

北齊蕭慤

河曲銜圖出江上負舟歸欲因作雨去還逐景雲飛引
商吹細管下徵泛長徽持此淒清引春夜舞羅衣

龍潭

元劉因

盤磴脫交陰平壇得高岑高岑不可攀飛湍激幽音窮
源豈不得爽氣來駸駸靈潤發山骨沮洳下崖陰為問
石上苔妙理誰曾尋乾坤有乾溢此水無古今下有靈
物棲倒影毛髮森東州旱連歲呼龍動雲林顧此百丈

潭豈無三日霖為霖此雖能鞭策由天心日暮碧雲合
空山深復深

七言古 附長短句

日離海

宋
謝翱

日離海青瞳矐沃以積水涵蒼穹神光隱豹霧空氣呼
吸為蛟龍赤雲衣紫霓從吹白衆宿歌大風天吳遁清
海宮

僧傳古湧霧出波龍圖歌

元
柳貫

葉公好龍致真龍精氣所感無不通僧中劉累有傳古
夜夢捷入驪龍宮陽暉燄燄陰精動左右給侍皆魚蟲
探珠不得逢彼怒轟然鼓鬣興雷風潛窺竊識領其妙
寫之萬楮將毋同目睛數月纔一點波浪咫尺如層空
乘雲執鏡麾電母跨海獻寶招河宗劉嘗善篆古善畫
得意忘象象乃工為龍為畫了不識有頃喫水投長虹
龍乎龍乎德正中超忽變化天為功絳冠帝子秉節從
九淵喚起赤鯁公永奠鼇極開鴻濛

題王宰所藏墨龍

柳貫

飛廉為御豐隆車憑陵九淵傾尾閭誰與發墨啟玄奧
神光躡斗旋其樞湖邊竹屋清夜徂防有没人來摘珠

題陳所翁墨龍

元薩都拉

畫龍天下稱所翁禿筆光射驪珠宮長廊白日走雲氣
大廈六月生寒風興來一飲酒一石手提玄兔追霹靂
漲天煙霧晴不收頭角崢嶸出牆壁全形具體得者稀
今日海邊親見之滿堂光燄動鱗甲倒挾海水空中飛

凌風直上九天去天下蒼生望霖雨
太平天子居九重
黍稷穰穰千萬古

題陳所翁九龍戲珠圖

元張翥

兩龍頡頏出重淵白日移海空中懸
一龍回矯一倒起側磔虬髯怒噴水
大珠炎炎如彈丸爪底雲頭爭控搏
一龍昂首逆鱗露兩龍旁睨蒼厓蟠
怪風狂電浩呼洶天吳倅立八山動
一龍後出尤崛竒半尾戲繞蜿蜒兒
兒生未角已神猛一顧却走千蛟螭
陳翁硯池藏霹靂

往往醉時翻水滴便覺天瓢入手來雨氣模糊渾是墨
我嘗見畫多巨幅簸蕩驚濤駭人目何如此筆窮變化
三尺微綃形勢足是翁前身定龍精故能吸歛奔精靈
卷圖還君慎封鐫但恐破壁飛空冥

題蒼龍戲海圖

元陳泰

天孫織雲春錦紅玉梭誤落乘剛風一夕變化雲冥濛
海水起立為珠宮坐令年年杼軸空誰與黼黻上帝躬
求梭不得愁鬼工安知入君懷袖中

墨龍

元張雨

高昌世子寫墨龍此龍乃出開元中東井水與天河通
龍下取水遺其蹤道人識為黑帝子逃入世子之筆鋒
井頭夜半飛霹靂元氣淋漓雪色碧一鎖銀牀五百年
纔點目睛生羽翼

題吳彥嘉所藏張秋蟾龍圖

明方行

張公畫龍人不識筆法遠自僧繇得挂向高堂神鬼驚
恍惚電光來破壁夜當渤海開筆力元氣霖霖浸無極

吞吐日月天地昏摩盪雲雷太陰黑江翻石轉竄莫測
雪濤卷空銅柱側洞庭扶桑非爾誰顛倒滄溟為窟宅
乃知茲圖只數尺坐令萬里起古色何當置我君山湖
上之高峰聽此老翁吹鐵笛

七言律

龍池樂章

唐蘇頲

西京鳳邸躍龍泉佳氣休光鎮在天軒后霧圖今已得
秦王水劒昔嘗傳恩魚不入昆明釣瑞鶴長如太液仙

願侍巡遊同舊里更聞簫鼓濟樓船

奉和聖製龍池篇

唐姚崇

恭聞帝里生靈祉應報明君鼎業新既協翠泉光寶命
還符白水出真人當時舜海潛龍躍此日堯河帶馬巡
獨有前池一小鴈叨承舊惠入天津

五言絕句

黃神谷紀事

唐馬戴

霹靂震秋岳折松橫洞門雲龍忽變化但見玉潭渾

續古

唐陳陶

景龍臨太極五鳳當庭舞誰信壁間梭升天作雲雨

龍井

元貢師泰

寶劍落深潭時時見光怪鱗甲飛上天白晝風雨快

玉簾泉

元杜本

燦爛金為屋玲瓏玉作簾飛泉來百道中有老龍潛

畫扇

元張憲

渴龍飲清江江水皆倒立風雨滿山來石楠半身濕

小臨海曲

元 楊維禎

網得珊瑚樹移栽瑪瑙盆
夜來風雨橫龍氣上珠根

題道士青山白雲圖

明 張以寧

雲氣曉來濃前山失數峰
道人夜作雨呼起碧潭龍

七言絕句

絕句

唐 杜 甫

欲作漁梁雲覆湍因驚四月雨聲寒
青溪先有蛟龍窟竹石如山不敢安

小游仙

唐曹唐

白石山中自有天，竹花藤葉隔谿煙。
朝來洞口圍棋了，賭得青龍值幾錢。

其二

且欲畱君飲桂漿，九天無事莫推忙。
青龍舉步行千里，休道蓬萊歸路長。

其三

瓊樹扶疎壓瑞煙，玉皇朝客滿花前。
東風小飲人皆醉，

短尾青龍枕水眠

偶題

宋 王安石

山腰石上千年澗石眼全無一日乾
天下蒼生望霖雨不知龍向此中蟠

上沙遇雨快涼

范成大

刮地風來健葛衣一涼便覺暑光低
雲頭龍挂女垂筋雨在中峰白塔西

臺山雜詠

金 元好問

靈蛇不與世相關時復蜿蜒水石間何處天瓢待霖雨
一龕香火梵仙山

玉龍圖

元虞集

貝闕澄澄海月生水晶簾影接空明鮫綃剪得霓裳就
却擁冰髯上太清

夜發龍潭

元薩都拉

船頭夜靜天如水渡口潮平月在江燈影搖波風不定
老龍吹浪濕篷牕

游覆船山宿艸堂

元鄭玉

眠雲石上屋三間瀑布當檐坐卧看怪底岩前龍忽起
夜來風雨不勝寒

嶺南雜詠

明汪廣洋

番禺南望渺煙波怪底魚龍出沒多頃刻風霆飛白晝
黑雲拖雨過牂牁

奉同王浚川海上雜歌

明薛蕙

天雞啼處夜生潮東望蓬萊翠霧消紫貝高為雲外闕

青龍盤作日邊橋

御定佩文齋詠物詩選卷四百六十八

欽定四庫全書薈要卷一萬九千九十一

集部

御定佩文齋詠物詩選卷四百六十九

魚類

附蝦

海蜚

四言古

比目魚

晉郭璞

比目之鱗別號王餘雖有二片實則一魚協不能密離
不為䟽

五言古

詠躍魚應詔

梁張率

戢鱗隱繁藻頌首承淶漪何用游溟澥且躍天淵池

詠石鯨應詔

陳周弘正

石鯨何壯麗獨在天池陰騫翬類橫海半出似浮深吞
航本無日吐浪亦難尋聖帝遊靈沼能懷躍藻心

賦得蓮下遊魚

陳阮卓

春色映澄陂涵泳且相隨未上龍門路聊戲芙蓉池觸
浪蓮香動乘流葉影披相忘自有樂莊惠豈能知

賦得魚躍水花生

陳張正見

漾色桃花水相望
濯錦流躍浦疑珠
出依池似鏡浮凌
波銜落蕊觸餌避
沈鈎方遊蓮葉外
詎入武王舟

詠魚

隋岑德潤

劍影侵波合珠光
帶水新蓮東自可
戲安用上龍津

峴潭作

唐孟浩然

石潭傍隈隩沙岸
曉黃緣試垂竹竿
釣果得槎頭鰕美
入騁金錯纖手膾
紅鮮因謝陸內史
尊羹何足傳

放魚

唐
白居易

曉日提竹籃家童買春蔬青青芹蕨下疊卧雙白魚無
聲但呀呀以氣相煦濡傾籃瀉地上撥刺長尺餘豈惟
刀机憂坐見螻螳圖脫泉雖已久得水猶可蘇放之小
池中且用救乾枯小池窄狹動尾觸四隅一時幸苟
活久遠將何如憐其不得所移放於南湖南湖連西江
好去勿踟躕施恩即望報吾非斯人徒不須泥沙底辛
苦覓明珠

江南曲

唐
陸龜蒙

魚戲蓮葉間
參差隱葉扇
鵝鵲鸚鵡窺
潏潏無因見

其二

魚戲蓮葉東
初霞射紅尾
傍臨謝山側
恰值清風起

其三

魚戲蓮葉西
盤盤舞波急
潛依曲岸涼
正對斜光入

其四

魚戲蓮葉南
敲危午煙疊
光搖越鳥巢
影亂吳娃楫

其五

魚戲蓮葉北澄陽動微漣回看帝子渚稍背鄂君船

種魚

唐皮日休

移土湖岸邊一半和魚子池中得春雨點點活如蟻一
月便翠鱗終年必頽尾借問兩綬人誰知種魚利

蔡仲謀遺鯽魚十六尾余憶在襄城時獲此魚

留以遲歐陽永叔

宋梅堯臣

昔嘗得圓鯽留待故人食今君遠贈之故人大河北欲

膾無庖人欲寄無鳥翼放之已不活烹煮費薪棘

白小

宋 唐 庚

二年遵海濱開眼即浩渺謂當飽長鯨餬口但白小百
尾不滿釜烹煮等芹蓼咀嚼何所得鱗鬣空紛擾向來
巨魚戲海面橫孤嶠噉喙噴飛沫白雨散晴曉終然不
省錄從事此微眇短長本相形南北無定表泰山不為
多毫末夫豈少詞雄兩月讀理足三語妙人生一漚發
誰作千歲調安能蹲會稽坐待期年釣

走筆謝王去非遣餽江鱸

宋 劉 宰

環坐正無悰，駢頭得嘉餽。鮮明訝銀尺，廉纖非薑尾。肩
聳乍驚雷，腮紅新出水。毛以薑桂椒，未熟香浮鼻。河豚
愧有毒，江鱸慚寡味。更容座上客，送歸煩玉指。飮餽雜
青紅，百巧出刀匕。翩翩鶴來翔，粲粲花呈媚。頗疑壺中
景，彷彿具盤底。又疑三神山，幻化出人世。更於屬餽餘，
想像無窮意。知君束裝冗，不敢折簡致。厚賜何可忘，因
筆聊舉似。

松江舟中

宋戴復古

夜聽楓橋鐘曉汲松江水客行信匆匆少住亦可喜且
食鱖魚肥莫問鱸魚美

郊居寓目隨事輒題

元袁易

絕江捕寒魚赤鯿巨莫逃鯨鰭翻有神騰出如銀刀

食鱸魚

元王惲

鱸魚昔人貴我行次吳江秋風時已過滿意尊鱸香初
非為口腹物異可闕嘗口哆頰重出鱗纖雪爭光背華

點玳斑或圓或斜方一脊無亂骨食免刺鯁防肉膩勝
海薊味佳掩河魴燈前不放箸愈啖味愈長張翰為爾
逝我今赴官忙出處要義在不須論行藏倚裝足朝睡
且快所欲償夢驚聽吳歌海日方蒼涼

魚淵

明袁凱

幽壑湛虛靜衆僚遠來歸游泳方自得沈潛亦其宜既
無網罟憂荇菜復參差辟彼翔集鳥悠然竟何疑

觀魚

明楊基

池陰樹影涼白小紛成隊吹絮圓漚續觸荷清露碎俄
沈靜却浮忽遇驚還退幸免釣絲憂江鱸且充鱠

樂府雜曲

明僧法果

織鯽上芒針小兒爭大叫一餌連六鰲此是任公釣

七言古

附長短句

訓中都小吏携斗酒雙魚于逆旅見贈

唐李白

魯酒琥珀色汶魚紫錦鱗山東豪吏有俊氣手携此物

贈遠人意氣相傾兩相顧
斗酒雙魚表情素酒來我飲
之鱸作別離處雙鰓呀呷鬚
鬣張撥刺銀盤欲飛去呼
兒拂几霜刃揮紅肌花落
白雪霏為君下箸一餐罷
醉著金鞭上馬歸

觀打魚歌

唐杜甫

綿州江水之東津
魴魚發發色勝銀
魚人漾舟沈大網
截江一擁數百鱗
衆魚常才盡却
棄赤鯉騰出如有神
潛龍無聲老蛟怒
迴風颭颭吹沙塵
饕子左右揮霜刀

鱠飛金盤白雪高
徐州禿尾不足憶
漢陰槎頭遠遁逃
魴魚肥美知第一
既飽歡娛亦蕭瑟
君不見朝來割素
髻咫尺波濤永相失

閔卿姜七少府設鱠戲贈長歌 杜甫

姜侯設鱠當嚴冬
昨日今日皆天風
河凍未漁不易得
鑿冰恐侵河伯宮
饗人受魚鮫人手
洗魚磨刀魚眼紅
無聲細下飛碎雪
有骨已剝觔春葱
偏勸腹腴愧年少
軟炊香飯緣老翁
落碁何曾白紙濕
放箸未覺金盤空

新懽便飽姜侯德清觴異味情屢極東歸貪路自覺難
欲別上馬身無力可憐為人好心事於我見子真顏色
不恨我衰子貴時悵望且為今相憶

旱魚歌

唐溫庭筠

朝罩罩城南暮罩罩城西兩漿鳴幽幽蓮子相高低持
罩入深水金鱗大如手魚尾迸圓波千珠落湘藕風颺
颺雨離離菱尖刺瀟瀟飛水連網眼白如影淅瀝蓬聲
寒點微楚岸有花花蓋屋金塘柳色前谿曲悠溶杳若

去無窮五色澄潭鴨頭綠

愧魚亭

宋孔武仲

昔聞魚可羨今見魚可愧邂逅臨池處瀟灑出塵意秋
風八月起江湖水染紺碧霞綺疏悠然掉尾波間去須
信吾生不及魚

畫魚歌

宋蘇軾

天寒水落魚在泥短鉤畫水如耕犁渚蒲拔折藻荇亂
此意豈復遺魴鯢偶然信手皆虛擊本不辭勞幾萬一

一魚中刃百魚驚蝦蟹奔忙互跳擲漁人養魚如養雛
插竿貫笠驚鶻鵠豈知白挺開如雨攬水覓魚嗟已疎
西湖秋涸東池魚窘甚因會客呼網師遷之西
池為一笑之樂夜歸被酒不能寐戲作放魚

一首

蘇軾

東池浮萍半黏塊裂碧跳青出魚背西池秋水尚涵空
舞濶搖深吹荇帶吾僚有意為遷居老守縱饒那忍膾
縱橫爭看銀刀出澆漚初驚玉花碎但愁數罟損鱗鬣

未信長隄隔濤瀨
濺濺發發湏臾間
圍圍洋洋尋丈外
安知中無蛟龍種
尚恐或有風雲會
明年春水漲西湖
好去相忘渺淮海

漢陂魚

蘇軾

霜筠細破為雙掩
中有長魚如卧劍
紫荇穿腮氣慘悽
紅鱗照坐光磨閃
携來雖遠鬣尚動
烹不待熟指先染
座客相看為解顏
香粳飽送如填塹
早歲嘗為荆渚客
黃魚屢食沙頭店
濱江易採不復珍
盈尺輒棄母乃僭

自從西征復何有欲致南烹嗟久欠游鯨瑣細空自腥
亂骨縱橫動遭砭故人遠餽何以報客俎久空驚忽贍
東道毋辭信使頻西鄰幸有庖壘醢

讀神仙傳

宋程俱

鯉魚腹中有隱符白魚腹中有素書鞭靈走石纔一戲
騎鱗上天亦徒爾誰能解衣涿水中使人呼指赤鯁公
鰓魚

金劉迎

君不見二牢山下獅子峰海波萬里家魚龍金雞一唱

火輪出曉色下瞰博桑宮
榭林葉老霜風急雪浪如山
半空立貝闕軒騰水伯居
瓊瑰噴薄鮫人泣長鏡白柄
光芒寒一葦去橫煙霧間
峰巒百疊破螺甲宮室四面
開蟠山鏤身鉢骨成何事
口腹之珍詎為崇郡曹受賞
雖一言國史收痂得非累筠
簋一一千里來百金一笑
收羹材色新欲透瑪瑙盃
味勝可浥葡萄醅飲客醉頰
浮春紅金盤旋覺放筋空齒
牙寒光激明月胸臆秀氣
噴長虹平生浪說江珧柱
大嚼從今不論數我嬾安能

汗漫遊買船欲訪漁郎去

題捕魚圖

元歐陽玄

太湖三萬六千頃靈槎倒壓青天影
大魚吹浪高如山
小魚卷鬣為龍盤
羣魚聯腴伐桴鼓勢同三軍戰
強鹵長網大罟三百尺攔截中流若環堵
吳王宮中宴未闌
銀絲斫膾飛龍驚太官
八珍奉公子猩猩頰唇鯉魚尾
洞庭木落天南秋黃蘆滿天飛白鷗
江頭吹笛喚漁舟
與君大醉岳陽樓

題程亞卿所藏劉進畫魚

明
李東陽

劉生亦是丹青豪近來作畫無此曹平明退直呼濁醪
半酣脫却宮錦袍戲將秃筆作鱗介已覺四壁生風濤
風濤洶湧向何處岸濶江空起煙霧東風一夜吹水渾
翠鬣紅鬚不知數桃花柳絮時吐吞輕繁亂荇交繽紛
圓光倒射日成凸滅影下沒天無痕羣嬉若共衆芳狎
遠逝忽與洪波奔千形萬態極幻化倉卒逢之安可論
就中巨者稱赤鯁卓犖頗似鯨與鯢仰窺河漢若咫尺

俯視江海如甕盆巖巒變風雨作走天吳驅海若流雲
掣電同揮霍噴沫浮漚滿寥廓鋒鏑參差見齟齬劒戟
崢嶸露頭角直遣飛騰動鬼神寧誇震撼傾山岳若非
溟渤即洞庭不然豈得通幽靈幽靈汗漫入恍惚始信
丹青有奇骨劉生劉生良已工誰其愛者司徒公華堂
錦軸粲盈丈髣髴坐我龍門中龍門高高幾許葉公畫
龍龍出走此物胡為在庭宇知公自是人中龍會向人
間作霖雨玉如意金叵羅激高堂揚練波文王在沼民

共樂君子有酒吾當歌我生解詩不解畫潦倒不覺雙
顏酡吁嗟乎吾將奈爾丹青何

五言律

白小

唐杜甫

白小羣分命天然二寸魚細微霑水族風俗當園蔬入
肆銀花亂傾箱雪片虛生成猶拾卵盡取義何如

洞庭魚

唐李商隱

洞庭魚可拾不假更垂罾開若雨前蟻多於秋後蠅豈

思鱗作簞仍計腹為燈浩蕩天池路翱翔欲化鵬

荊州

宋蘇軾

江水深成窟潛魚大似犀赤鱗如琥珀老枕勝玻璃上
客舉雕俎佳人搖翠篋登庖兼作器何以免屠割

江南憶

金吳激

吳淞潮水平月上小舟橫旋斫四腮膾未輸千里羹
擣香不散照筋雪無聲幾見秋風起空憐鄉思生

余舊遊魏郡日有雙魚之饌今絕不可得問之

則河徙故也戲成一章

明王世貞

十載叨遊魏雙魚饌事寬鸞刀催霰舞象筋壓霜寒滄
海欲陵陸黃河能釣竿思歸別有念不借蒯緱彈

五言排律

賦得巨魚縱大壑

唐錢起

巨魚縱大壑遂性似乘時奮躍風生鬣騰凌浪鼓鬐龍
攄回地軸鯤化想天池方快吞舟意尤殊在藻嬉傾危
嗟幕燕隱晦諂泥龜喻士逢明主才猷得所施

魚上冰

唐
王季則

北陸收寒盡東風解凍初
冰消通淺渚氣變躍潛魚
應節似知化揚鬐任所如
浮沈非樂藻沿汜異傳書
結網時空久臨川意有餘
為龍將可望今日愧才虛

魚上冰

唐
紀元臯

春生寒氣滅稍動伏泉魚
乍喜東風至來觀曲浦初
近冰朱鬣見望日錦鱗舒
漸覺流澌退還欣掉尾餘
噉喙情自樂沿泳意寧疎
倘得隨鯢化終看戾太虛

賦得巨魚縱大壑

唐姚康

水府乘閒望圓波息躍魚從來曝泥久今日脫淵初得
志寧相忌無心任宛如龍門應可度蛟室豈常居掉尾
方窮樂游鱗每自舒乘汎千里去風力藉吹噓

臨川羨魚

唐張元正

有客百愁侵求魚正在今廣川何渺漫高岸幾登臨風
水寧相阻煙波豈憚深不應同逐鹿詎肯比從禽結網
非無力忘筌自有心永存芳餌在佇立思沈沈

叉魚招張功曹

唐韓愈

叉魚春岸濶此興在中宵大炬然如晝長舩縛似橋深
窺沙可數靜榜水無搖刃下那能脫波間或自跳中鱗
憐錦碎當目訝珠銷迷火逃翻近驚人去暫遙競多心
轉細得雋語時囂潭罄知存寡舩平覺獲饒交頭疑湊
餌駢首類同條濡沫情雖密登門志已遼盈車欺故事
飼犬驗今朝血浪凝猶沸腥風遠更飄益江煙幕幕拂
棹影寥寥獺去愁無食龍移懼見燒如棠名既誤釣渭

日徒消文客驚先賦篙工喜盡謠
鱸成思我友觀樂憶
吾僚自可捐憂累何須彊問鵝

賦得魚登龍門

唐元稹

魚貫終何益龍門在此登有成當作雨無用耻為鵬
激浪誠難泝雄心亦自憑風雲潛會合鬚鬚忽騰陵
泥滓辭河濁煙霄見海澄回瞻順流輩誰敢望同升

七言律

和魯望謝惠魚之什

唐皮日休

釣公來信自松江三尺春魚撥刺霜腹內舊鈎苔染澀
腮中新餌藻和香冷鱗中斷榆錢破寒骨平分玉筋光
何事貺君偏得所祗緣同是越航郎

觀魚軒

宋韓琦

雨後方池碧漲秋觀魚亭檻俯臨流時看隱荇駢頭戲
忽見開萍作隊游喜擲舟前翻亂錦靜潛波下起圓漚
吾心大欲同斯樂肯插釣竿餌釣鈎

杜介送魚

宋蘇軾

新年已賜黃封酒舊友仍分頰尾魚
陋巷關門負朝日小園除雪得春蔬
病妻起斫銀絲鱠稚子歡尋尺素書
醉眼朦朧覓歸路松江煙雨晚疎疎

鄭太玉送子魚

宋唐庚

便當權閣太常齋藥竈于旁手自煨
須信子魚藏妙理坐令母蟹愧凡才
刀頭定向何時得劒脊頻將好意來
老去少陵雖病肺尚堪持此薦寒醅

初食淮白魚

宋楊萬里

淮白須將淮水煮江南水煮正相違霜吹柳葉都落盡
魚喫雪花方解肥醉卧糟丘名不惡下來鹽豉味全非
饗人且莫供羊酪更買銀刀二尺圍

和張寺丞謝惠河豚

宋劉宰

先生盛德信光亨微物將誠愧晚生春岸正當餘雨過
寒江尚想小舟橫一盃走送慚遲暮兩舍相望欠割烹
未必甘芹解知味王公當諒野人情

佩之餽石首魚有詩次韻奉謝

明
李東陽

夜網初收曉市開黃魚無數一時來風流不鬪蓴絲品
軟爛偏宜豆乳堆碧盃分香憐冷冽金鱗出浪想崔嵬
高堂正憶東鄰送詩句情多不易裁

金魚

明
朱之蕃

誰染銀鱗琥珀濃光搖鬚鬣映芙蓉清池躍處桃生浪
綠藻分開金在鎔丙穴靈源隨地湧離宮正色自天鍾
羣魚漫爾同游泳竚見飛空化赤龍

和北玉賦游魚啖花影

明程嘉燧

無數輕鯈蓮葉東
泳芳吹沫競浮空
疑追戲蝶來天上
誤餌游絲沒鏡中
點額冷光如吸露
濯鱗香陣欲餐風
相忘樂事江湖外
捉影還看嚼蠟同

五言絕句

江行雜詩

唐錢起

灘淺爭遊鷺
江清易見魚
怪來吟未足
秋物欠紅蕖

新亭

唐韓愈

湖上新亭好公來日出初水紋浮枕簟瓦影蔭龜魚

續古

唐陳陶

大堯登寶曆磨鳳煥宸居海曲沾恩澤還生比目魚

放魚

唐李羣玉

早覓為龍去江湖莫漫游須知香餌下觸口是銛鉤

魚

宋蘇軾

湖上移魚初生不畏人自從識鈎餌欲見更無因

淮南魚歌

元馬祖常

渡江問魚價人來索酒錢婦姑亦不惡便煮縮項鱖

和楊鐵崖小臨海

明張簡

雨過積金頂芙蓉萬朶青
申魚不飛去風伏翠濤腥

絕句

明殷奎

霜落水禽啼寒流繞大堤
長魚不文釣躍過石梁西

西湖曲

明李東陽

艸碧明沙際花紅試雨初
官船蕩素漿驚散一雙魚

偶成

明盧雲

江頭春水生江上春水長十日不出門魚苗大如掌

六言絕句

題娛暉亭

明
唐時升

負郭家家水竹殘春處處煙花開尊欲招鳥雀舉網頻
得魚蝦

七言絕句

解悶

唐
杜甫

復憶襄陽孟浩然清詩句句盡堪傳即今耆舊無新語

漫釣槎頭縮項鰖

垂花塢醉後戲題

唐獨孤及

紫蔓青條覆酒壺
落花時與竹風俱
歸時自負花前醉
笑向鯨魚問樂無

小魚詠寄涇州楊侍郎

唐盧綸

蓮花影裏暫相離
纔出浮萍值罟師
上得龍門還失浪
九江何處是歸期

放魚

唐竇鞏

金錢贖得免刀痕見說禽魚亦感恩
好去長江千萬里
不須辛苦上龍門

盆池

唐韓愈

瓦沼晨朝水自清
小蟲無數不知名
忽然分散無蹤影
惟有魚兒作隊行

觀游魚

唐白居易

繞池閒步看魚遊
正值兒童弄釣舟
一種愛魚心各異
我來施食爾垂鈎

池上寓興

白居易

濠梁莊惠漫相爭未必人情知物情
獺捕魚來魚躍出此非魚樂是魚驚

南園

唐李賀

春水初生乳燕飛黃蜂小尾撲花歸
窓含遠色通書幌魚擁香鉤近石磯

南塘

唐鮑溶

塘東白日駐紅霧早魚翻光樂碧
潯畫船蘭棹欲破浪

恐畏驚動蓮東心

鯉魚

唐
章孝標

眼似珍珠鱗似金
時時動浪出還沈
河中得上龍門去
不歎江湖歲月深

觀魚

唐
陸希聲

惠施徒自學多方
漫說觀魚理未長
不得莊生濠上旨
江湖何以見相忘

對鱸

唐
項斯

行到鱸魚鄉裏時
鱠盤如雪怕風吹
猶憐醉後江南路
馬上垂鞭學釣時

游魚

唐來鵬

弄萍隈荇思夷猶
掉尾揚鬐逐漫流
應怕碧巖巖下水
浮藤如線月如鉤

秋霽

唐崔道融

雨霽長空蕩滌清
遠山初出未知名
夜來江上如鉤月
時有驚魚擲浪聲

魚

宋 歐陽修

秋水澄鮮見髮毛
錦鱗行處水紋搖
岸邊人影還驚去
時向綠荷深處跳

贈辛老

宋 蘇軾

三年京國厭藜蒿
長羨淮魚壓楚糟
今日駱駝橋下泊
恣看修網出銀刀

惠崇春江晚景

蘇軾

竹外桃花三兩枝
春江水暖鴨先知
蒹蒿滿地蘆芽短

正是河魴欲上時

戲作魴魚一絕

蘇軾

粉紅石首仍無骨雪白河魴不樂人寄語天公與河伯
何妨乞與水精鱗

題超化寺壁

宋晁冲之

曲池風定碧瀾平小白魚如鏡裏行水竹再來應識我
壁間不用更題名

赴廣陵道中

宋晁補之

楊柳青青欲哺鳥一春風雨暗隋渠落帆未覺揚州遠
已喜淮陰見白魚

早夏

宋陳造

安石榴花猩血鮮涼荷高葉碧田田鮒魚入市河豚罷
已破江南打麥天

延平道中

宋朱棣

一谿春漲午晴初日透波光綠浸裾却憶孤山山下路
石橋清澈看叉魚

梅雨

宋范成大

雨霽雲閒池面光
三年魚苗如許長
小荷拳拳可包鮓
晚日照盤風露香

晚春田園雜興

范成大

海雨江風浪作堆
時新魚菜逐春回
荻芽抽笋河魴上
楝子開花石首來

秋日田園雜興

范成大

細擣橙虀有鱠魚
西風吹上四腮鱸
雪鬆酥膩千絲縷

除却松江到處無

自晨至午起居飲食皆以牆外人物之聲為節

戲書四絕

錄一

范成大

起傍東牕手把書
華顛種種不經梳
朝餐欲倒須巾裹
已有重來晚市魚

窓下戲詠

宋陸游

三尺清池鏡面平
剪刀葉底戲魚行
吾曹安得如渠樂
傍渚跳波過此生

曉坐荷橋

宋楊萬里

簾影窺池到藕根
水光為我弄朝暾
魚兒解作晴天雨
波面吹成落點痕

垂虹亭看打魚斫鱠

楊萬里

橋柱疎疎四寂然
亭前突出小魚船
一聲磔磔鳴榔起
驚出銀刀躍玉泉

湖州歌

宋汪元量

曉鬢鬪鬆懶不梳
忽聽人說是南徐
手中明鏡拋船上

半揭蓬窓看打魚

其二

寶應城南柳數株
葭牆艾席是民居
眼前境逆無詩興
忽有小舟來賣魚

寄俞秀老清老二居士

宋僧道潛

風谿雲巘雪消初
鳥變春聲滿屋除
安得故人同蠟屐
石梁斜日看游魚

宮詞

宋花蕊夫人

厨盤進食簇時新
侍宴無非列近臣
日午殿頭宣索鱠
隔花催喚打魚人

其二

釣綫沈波漾彩舟
魚爭芳餌上龍鈎
內人急捧金盤接
撥刺紅鱗躍未休

順安詞呈趙使君

金劉著

太平時世屢豐年
勝事長聞父老傳
郭外桑麻知幾頃
舩頭魚蟹不論錢

日照道中

金
党懷英

路轉清谿樹蔚然
解鞍坐歇午陰圓
避人鷗鳥驚飛盡
時有游魚弄柳綿

首夏邨居雜興

元
表
易

綠樹荆扉晚更幽
鱸魚菰菜近堪求
故人有興能尋我
但覓吳淞欲盡頭

贈漁者

元
郝
經

一尺新魴綠柳穿
漁人餽我不論錢
斫開細雪銀膏瑩

旋折黃蘆熟晚煙

十一日 浯畬登舟十絕

錄一

元程鉅夫

江清照見石粼粼
貌得游魚態度真
說與長年輕蕩槳
放他深處著潛鱗

洪州歌

元柳貫

萋萋鮮滑勝雞蘇
滿尺河豚玉作膚
漫說江鄉美庖傳
幾曾風味似蓴鱸

夜過白馬湖

元陸都拉

春水滿湖蘆葦青
鯉魚吹浪水風腥
舟行未見初更月
一點漁燈落遠汀

吳淞江上謾興

元貢師泰

白月滿天江水平
銀河垂地寂無聲
披衣獨坐過夜半
撥刺跳魚時一鳴

夢中作

元洪希文

煙波蕩蕩寄閒身
筐筥携歸色似銀
莫笑江湖釣竿子
擔頭挂得兩金鱗

題赤鯉圖

元李祁

風翻雷吼動乾坤
赤鯉騰波勢獨尊
無數閒鱗齊上下
欲隨春浪過龍門

江邊竹枝詞

元王逢

社酒吹香新燕飛
遊人裙幄占灣磯
如刀江鱗白盈尺
不獨河魴天下稀

師子林即景

元僧惟則

道人肩水灌畦蔬
託鉢舩歸粟有餘
飽飯禪和無一事

繞池分食餒遊魚

望武昌

明
楊基

春風吹雨濕衣裾
綠水紅粧畫不如
却是漢陽川上女
過江來買武昌魚

汪口渡捕魚者

明
汪廣洋

芳艸渡頭歌竹枝
晴天小艇放鷗鷄
比鄰為報春醪熟
自起持魚貫柳絲

江上

汪廣洋

象牙灘上百花開參差時復見樓臺翠香芹菜緣沙出
雪色鯢魚上水來

蘭谿棹歌

汪廣洋

野鳬晴蹋浪梯平越上人家住近城
箬葉裹魚來換米
松舟一箇似梭輕

東吳棹歌

汪廣洋

艇子搶風過太湖水雲行盡是東吳
阿誰坐理青絲網
遮得松江巨口鱸

入狹潭

明 鐺 崧

水上石山森劒鋌水中石屋是魚房
秋來水落月未出魚眼射波如火光

畫魚

明 錢 宰

綠陂春水沒漁家楊柳青青拂釣槎
三月江南春雨歇一雙鱸鮓上桃花

釣魚圖

明 莊 杲

谿上春雲與浪飛谿頭春水紫魚肥
閒人只是閒無事

日出船來月出歸

寄友

明沈周

與君傾蓋二毛初
別後無由數寄書
江上逢人問消息
紅粧隨馬射游魚

金山江天閣

明王叔承

鳥外漁歌斷水煙
隔江喚過打魚船
鱖魚出網鮮猶活
笑擲船頭三百錢

曉過八圻

王叔承

殘星點點照船明
馱石寒爐曙火生
推枕坐看江市過
夢中聽得賣魚聲

畫躍鯉送人

明徐渭

鱗鬣何殊點額歸
丰神却覺有風威
不添一片龍門石
方便凡魚作隊飛

附蝦

七言古

海蝦圖

明王鏊

茫茫大海浮穹壤日月升沈鼇背上其間物怪何所無
海馬天吳大如象有魚如屋鯨如帆蝦最細微猶十丈
鬚鬚怒氣鬚如戟力戰洪濤欲飛出江湖魚蟹總蜉蝣
畜眼生平未曾識畫工何處寫汝真夢中曾到長鬚國
黑風吹海浪如山魚龍變化須臾間從龍願作先驅去
去上青天生羽翰

五言絕句

池上

宋
韓維

樽酒浮多蟻舟蓬覆似蝸折楊爭貫鯉編竹自撈蝦

附海蜃

七言律

海蜃

元謝宗可

層濤擁沫綴蝦行水母含秋孕地靈海氣凍凝紅玉脆
天風寒結紫雲腥霞衣退色水涎滑瑤縷烹香酒力醒
應是楚宮萍實老忽隨潮信落滄溟



御定佩文齋詠物詩選卷四百六十九



總校官庶吉士臣侍朝

校對官庶吉士臣嚴福

謄錄監生臣徐大豐

欽定四庫全書薈要

集部

御定詠物詩選卷四百

七十七至
七十七

詳校官原任主事_臣李斯咏

欽定四庫全書薈要卷一萬九千九十二

集部

御定佩文齋詠物詩選卷四百七十

蠨類

五言古

子集弟寄江蠨

宋張九成

吾鄉十月間海錯賤如土尤思鹽白蠨滿殼紅初吐薦
酒歛空尊侑飯饒如虎別來九年矣食物那可睹蠻煙
瘴雨中滋味更荼苦池魚腥徹骨江魚骨無數每食輒

嘔噦無辭知罪罟新年庚運通此物登盤俎先以供祖
先次以宴賓侶其餘及妻子咀嚼話江浦骨滓不敢擲
念帶煙江雨手足義可量封寄無辭屢

七言古

謝陳壺天惠螬

元
龔
璠

寒蒲縛來腸已無枯骨裏肉肉自腴為君喚醒江湖夢
孤篷細雨聲相濡貧家不辦滿眼沽糟牀溜溜紅真珠
起來為立西風裏一徑晴寒菊數株

中秋碧雲師送蟬

元張憲

天風吹綻黃金粟，檐前老兔飛寒玉。
客窓不記是中秋，但覺鄰家酒漿熟。
泖田秋霽稻未鎌，葦箔竹籬收團圞。
紅膏溢齒嫩乳滑，脆美簇簇橙絲甜。
無腸公子誇矍鑠，兩戟前驅終受縛。
屬心晝暖白玉臍，夔牟夜泣紅銅殼。
麴生風度亦可憐，且對霜娥供大嚼。
酒後高歌遶碧雲，九峰一夜霜葉落。

上巳日吳野人烹蟬及吳化父兄弟宴集

明
王叔承

前谿雨足谿水新夜漲桃花三尺春三月三日日初麗
浮玉流觴驕醉人偶過楊柳橋西宅魚罾鱖斷當門立
船頭活鱖紫堪擊重欲滿斤闊逾尺主人藏鱖真得宜
急流之下青籠垂日飼稻子數百穗楓落直過桃花時
蜀椒吳鹽落碁細寶刀香膩春蔥絲雄者白肪白於玉
圓臍剖出黃金脂主人有鱖不賣錢但逢嘉客畱斟酌
持螯豈慕尚方珍長對杜康呼郭索

五言律

江南憶

金吳激

平生把螯手遮日負垂竿
浩渺渚田熟青熒漁火寒
曾看霜菊艷不放酒杯乾
比老垂涎處糟膾箇箇團

賦得螭送人之官

明高啟

吐沫似珠流無腸豈識愁
香宜橙實晚肥過稻花秋
出簞來深浦隨燈聚遠洲
郡齋初退食可怕有監州

七言律

酬襲美見寄海蟬

唐陸龜蒙

藥杯應阻蟬螯香却乞江邊採捕郎自是揚雄知郭索
且非何穎敢饕餮骨清猶似含春靄沫白還疑帶海霜
強作南朝風雅客夜來偷醉早梅傍

呈吳正仲遺活蟬

宋梅堯臣

年年收稻買江蟬二月得從何處來滿腹紅膏肥似髓
貯盤青殼大於盃定知有口能噓沫休信無心便畏雷
幸與陸機來往熟每分吳味不嫌猜

丁公默送蝓蚌

宋蘇軾

谿邊石蚌小如錢
喜見輪囷赤玉盤
半殼含黃宜點酒
兩螯斫雪勸加餐
蠻珍海錯聞名久
怪雨腥風入座寒
堪笑吳興饒太守
一詩換得兩尖團

鹽螯數枚寄段攝中誼齋

明宋訥

無腸公子舊知名
風味非糟亦自清
祇信海霜肥郭索
須勞野火照橫行
兩螯白雪堆盤重
一殼黃金上箸輕
公退避寒應買酒
獻芹毋笑野人誠

五言絕句

畫蠨

宋文同

蠨性最難圖生意在螯踈
伊人得其妙郭索不能已

雨後雜興

明王叔承

野水平谿橋波翻蓼花亂
斫竹編青籃門前開蠨簾

七言絕句

憶江南舊遊

唐羊士諤

曲水三春弄彩毫樟亭八月又觀濤
金壘幾醉烏程酒

鶴舫間吟把螯螯

釣侶

唐
陸龜蒙

一艇輕撈看晚濤接離拋下漉春醪相逢便倚蒹葭泊
更唱菱歌擘螯螯

詠螯

唐
皮日休

未遊滄海早知名有骨還從肉上生莫道無心畏雷電
海龍王處也橫行

仲秋書事

宋
陸游

秋風社散日平西
餘昨殘壺手自提
賜食敢思烹細項
家庖仍禁擘團臍

淮上

宋僧道潛

蘆梢向曉戰秋風
浦口寒潮尚未通
日出岸沙多細穴
白蝦青蟹走無窮

銀州道中

金吳激

小渡霜螯賤於土
重巖野菊大如錢
此時最憶涪翁語
無酒令人意缺然

題小景

元杜本

秋雲滿地夕陽微
黃葉蕭蕭鴈正飛
最是江南好天氣
邛醪初熟蟹螯肥

畫蟹

明錢宰

江上蓴鱸不用思
秋風吹老綠荷衣
何妨夜壓黃花酒
笑擘霜螯紫蟹肥

題畫

明唐寅

雪滿梁園飛鳥稀
煖煨榾柮閉柴扉
地爐溫却松花酒

剛是谿頭拾蠚歸

御定佩文齋詠物詩選卷四百七十

欽定四庫全書薈要卷一萬九千九十三

集部

御定佩文齋詠物詩選卷四百七十一

龜類

四言古

龜贊

晉
郭璞

天生神物十朋之龜或游於火或游於著雖云類殊象
二一歸疊疊致用極數盡幾

五言古

詠龜詩

北齊 趙儒宗

有靈堪託夢無心解自謀不能著下伏強從蓮上游負
圖非所冀支牀空見畱倘蒙一曳尾當為屢回頭

五言律

龜

唐 徐夔

行止竟何從深谿與古峰青荷巢瑞質綠水返靈蹤
骨神明應酬恩感激重仙翁求一卦何日脫龍鍾

五言排律

龜

唐
李羣玉

靜養千年壽重泉自隱居不應隨跛鱉寧肯滯凡魚靈
腹唯玄露芳巢必翠巢揚光輸蚌蛤弄月恨蟾蜍曳尾
辭泥後支床得水初冠山期不小鑄印事寧虛有志酬
毛寶無心畏豫且他時清洛汭會薦帝堯書

五言絕句

江行

唐
錢起

晚來漁父喜罾重欲收遲恐有長江使金錢願贖龜

七言絕句

贈莎衣道士

唐施肩吾

莎地陰森古蓮葉游龜暗老青苔甲池邊道士誇眼明
夜取蟪蛄摘蚊睫

菡萏亭

宋蘇軾

日日移牀趁下風清香不盡思何窮若為化作龜千歲
巢向田田亂葉中

御定佩文齋詠物詩選卷四百七十一

欽定四庫全書薈要卷一萬九千九十四集部

御定佩文齋詠物詩選卷四百七十二

車螯類

五言古

永叔請賦車螯

宋
梅堯臣

素唇紫錦背漿味壓蚶菜海客穿海沙拾貯寒潮退王
都有美醞此物實當對相去三千里貴力致以配翰林
文章宗炙鮮尤所愛旋坼旋沽飲酒船如落埭殊非北

人宜肥羊噉嚙塊

初食車螯

宋 歐陽修

纍纍盤中蛤來自海之涯坐客初未識食之先歎嗟五
代昔乖隔九州如剖瓜東南限淮海渺不通夷華於時
北州人飲食陋莫加雞豚為異味貴賤無等差自從聖
人出天下為一家南產錯交廣西珍富邛巴水載每連
舳陸輸動盈車谿潛細毛髮海怪雄鬚牙豈惟貴公侯
里巷飽魚蝦此蛤今始生其來何晚耶螯蛾聞二名
車螯

一名車蛾久見南人誇璀璨殼如玉斑斕點生花含漿不肯

吐得火遽已呀共食惟恐後爭先屢成譁但喜美無厭
豈思來甚遐多慚海上翁辛苦斲泥沙

七言律

食車螯

宋 楊萬里

珠宮新沐淨瓊沙石鼎初然淪井花紫殼旋開微滴酒
玉膚莫熟要鳴牙橙拖金線成雙美薑擘糟丘總一家
老子宿醒無解處半杯羹後半甌茶

七言絕句

釣侶

唐皮日休

趁眠無事避風濤，一斗霜鱗換濁醪。
驚怪兒童呼不得，盡衝煙雨渡車螯。

御定佩文齋詠物詩選卷四百七十二

欽定四庫全書薈要卷一萬九千九十五

集部

御定佩文齋詠物詩選卷四百七十三

蚌蛤類

附蠃

螺

蚌

蛭

四言古

蚌贊

晉郭璞

萬物變蛭其理無方
雀雉之化含珠懷璫
與月虧盈協氣晦望

五言古

詠螺蚌

宋謝惠連

輕羽不高翔自用絃網羅纖鱗惑芳餌故為釣所加螺蚌非有心沈迹在泥沙文無雕飾用味非鼎俎和

泰州王學士寄車螯蛤蜊

宋梅堯臣

車螯與月蛤寄自海陵郡謂我抱餘醒江都多美醞老來飲不滿一醉已闕分甘鮮雖所嗜易飫亦莫問嬌女巧收殼燕脂合眉暈貧奩無金玉狼藉生恚忿妻孥喜食之婢妾困埽拚行當至京華耳目飽塵坌此味爽口

難書為厭者訓

圓蛤

宋唐庚

黃犢鳴水中相顧皆愕然探之亡所得有蛙僅如錢持
問傍舍翁云此號圓蛤夏潦漲溝渠喧呼自酬答卒然
聞其聲謂當可專車既見一撫掌寸莛量有餘物生元
氣中小大各異趨蛙質黃牛鳴持此欲誰附我居固已
陋爾鳴良亦邛綿蠻轉黃鸝我今思故園

食蠣房

宋劉子翬

蠋房生海壖堅頑宛如石其中儲可欲雖固必生隙嵌
巖各包藏硨磲相附積中逢霹靂手妙若啟局鏘鑽灼
諒難堪曷不吐餘瀝南庖富腥盤豈惟此稱特吞航大
絕倫梯縈萬夫食針鱗九牛毛小嚼逾千百光螺暈紫
斑鹽膏湛金色水母脆鳴牙章舉懸疣密烏黏力排界
貼石不可索妾魚戲浮波媚鮐鮓雌雄匹蟹蹂輒橫驚鼈
縮常畏出車螯不服箱馬鮫非駿迹江珧貴一柱夫豈
棟梁質骨柔競愛鱖多鯁鮓乃斥蚶紅鮭赤文肉黑魚

美中更甜蛤體堅頑口長合開花結子幸采摘沒水藏
泥豈蘄得二物同時有不同賦形與性由天公請君下
筋聊一飽莫索珠璣向此中

錢塘賦水母

宋 沈與求

疾風吹雨回江城艖牙嘔啞潮欲平客居喜無人事撓
相與環坐臨前楹眼中水怪狀莫名出沒沙觜如浮嬰
復如緇笠絕兩纓混沌七竅俱未形塊然背負羣鰕行
嗟其巧以怪自呈凝目懽視相將迎老漁旁睨笑發聲

曰此水母官何驚江流如奔絕滄瀛潮汐往來月為程
藏納衆污無滿盈浮埃沈滓溷九清結成此物宜昏盲
使鰕導迷作雙睛乃能接迹蚌與蜃亦猶巨蛭二體并
離則無目為光精江天八月霜葉鳴罟師得鰕供水征
水母棄擲羅縱橫試令收拾輸庖丁絳礬收涎體紆縈
飛刀縷切武火烹花羹釘餽粲白英不殊冰盤堆水晶
稻醃蘼寒芼香橙入齒已復能解醒遣漁止矣勿復評
嗟哉此性愚不更定矜故態招三彭且摩枵腹甘藜羹

七言律

蛤蜊

宋孔武仲

去年曾賦蛤蜊篇
旅館霜高月正圓
舊舍朋從今好在
新時節物故依然
棲身未厭泥沙穩
爽口還充鼎俎鮮
適意四方無不可
若思鱸膾未應賢

周愚卿江西美劉棠仲同賦江珧詩牽強奉答

宋周必大

東海沙田種蛤蜊
南烹苦酒濯瓊瑶
饌因暫棄常珍變

指為將嘗異味
搖珠剖蚌胎
那畏鷓鴣柱
呈馬甲更名玳
累人口腹吾何敢
慚愧三英喜且謠

七言絕句

城外

唐
李商隱

露寒風定不無情
臨水當山又隔城
未必明時勝蚌蛤
一生長共月虧盈

酒病偶作

唐
皮日休

鬱林步障晝遮明
一炷濃香養病醒
何事晚來還欲飲

隔牆聞賣蛤蜊聲

謝張德恭送糟蚶

宋陳造

壓倒淤泥白蓮藕半指介甲露穠纖玉川水厄那知此
急具薑葱喚阿添

島上曲

宋謝翱

皮帶黑鱗身卉衣晚隨鬼渡水燈微石門犬吠聞人語
知在海南種蛤歸

嶺南雜詠

明汪廣洋

鴈翅城東湧怒濤外洋水長蜚船高莫嫌昨夜南風急
今日登盤有海蠔

蕭臯別業竹枝詞

明沈明臣

麥葉螳肥客可餐
棟花鱖熟子盈盤
家家鍛磨聲初發
四月江邨有薄寒

御定佩文齋詠物詩選卷四百七十三

欽定四庫全書薈要卷一萬九千九十六

集部

御定佩文齋詠物詩選卷四百七十四

蛙類

五言古

南池宴餞辛子賦得科斗子

唐岑參

臨池見科斗
羨爾樂有餘
不憂網與釣
幸得免為魚
且願充文字
登君尺素書

七言古

蛙聲

明徐渭

紅芳綠漲綠連天，夾岸蘼蕪匝澗灣。
別有鼓吹喧渡口，不教蚯蚓疊陽關。
殷郎吐吐書空易，漢吏期期奉詔難。
華苑公私猜典午，華門佶屈課殷盤。
連營甲卒枚前閔，塞寺沙門呪後餐。
蟾蜍借月瘖何謂，科斗縈波字與翻。
蒲潦溽蒸號太酷，梅風飄蕩控宜寒。
使車南詣雕題譯，貝葉西來鳩舌彈。
金响俠徒丸儘落，珮垂戰士怒彌殷。
諧語就筭方乞半，孤雛隔乳未啼殘。
韓馮枕荷愁喧寐。

戴勝降桑許聒眠利口嗇來僂喋喋薄言鉦罷鼓闐闐
咽競笳烏不得曉雜沸蓮露幾時圓迢迢來度天姬帳
閣閣迴驚釣者船搖繁藻鏡驅成潏韻碎菱絲詎可穿
寄語艸深瓜爛處急呼即且備蚊憐

七言律

題白渡方氏聽蛙亭

宋
劉克莊

塘水拍隄科斗生想君亭子俯幽清黃梅雨足野田潤
壯麴煙收邨墅晴莫信人嫌無理鬧頗疑渠有不平鳴

畫堂方喜聽琴阮誰愛天然律呂聲

蛙鼓

明朱之蕃

徑滿蓬蒿沼滿蘋產蛙相怒復相親中宵磔格連清曉
過雨喧闐送晚春獨聽饒歌矜戰勝共徵散部樂延賓
郊垌寂靜偏憐汝伴我書齋不厭貧

蛙

明張維

熟梅天氣雨初收何處蛙聲隔水樓鼓吹翻嫌驚好夢
公私誰為亂閒愁薰風候已違花信碧州涼應動麥秋

赤鯉聞雷爭變化爾能燒尾躍雲不

五言絕句

戲詠蛙

唐楊收

兔邊分玉樹龍底耀銅儀會當同鼓吹不復問官私

雜詩

宋梅堯臣

蛙行動萍葉悞觀作遊魚稍稍引兩股已變科斗書

六言絕句

積雨作寒

宋范成大

已報舟浮登岸更憐橋踏平池養成蛙吹無謂掃盡蚊
雷却奇

七言絕句

盆池

唐
韓愈

老翁真箇似童兒汲井埋盆作小池一夜青蛙鳴到曉
恰如方口釣魚時

硤石西泉

韓愈

居然鱗介不能容石眼環環水一鍾聞說旱時求得雨

祇疑科斗是蛟龍

禽蟲

唐白居易

水中科斗長成蛙
林下桑蟲老作蛾
蛙跳蛾舞仰頭笑
焉用鯢鵬鱗羽多

春晚

宋徐璣

午風庭院綠成衣
春色方濃又欲歸
科斗散邊荷葉出
酴醾香裏柳綿飛

農謠

宋方岳

漠漠餘香著艸花
森森柔綠長桑麻
池塘水滿蛙成市
門巷春深燕作家

夏雨

金祝簡

電掣雷轟雨覆盆
晚來枕簟頗宜人
小溝一夜深三尺
便有蛙聲喧四鄰

寓望

金趙秉文

蒲根閣閣亂蛙鳴
點水楊花半白青
隔岸風來聞鼓吹
柳陰深處有園亭

二月十五日雨作

元倪瓚

風軒紅杏散餘霞
堤艸青青桃欲花
寒食清明看又近
滿川煙雨亂鳴蛙

張園雜賦

元錢惟善

清夜無眠疊鼓催
竹梢垂露點蒼苔
滿池月色如霜白
一片蛙聲似雨來

師子林即景

元僧惟則

素壁光搖眼倍明
隔簾風樹弄新晴
樹根蛙鼓鳴殘雨

恍惚南山水樂聲

漫興

明李東陽

井口轆轤聞水聲園中菜畦渾欲平
呼童引水放教去一夜池頭蛙亂鳴

御定佩文齋詠物詩選卷四百七十四

欽定四庫全書薈要卷一萬九千九十七

集部

御定佩文齋詠物詩選卷四百七十五

總蟲類

五言古

觀居寧畫草蟲

宋梅堯臣

古人畫虎鵠尚類狗與鶩今看畫羽蟲形意兩俱足行
者勢若去飛者翻若逐拒者如舉臂鳴者如動腹躍者
趨其股顧者注其目乃知造物靈未抵毫端速毘陵多

畫工圖寫空盈軸寧公實神授坐使羣輩服草根有纖
意醉墨得已熟權豪不可致節行今仍獨

七言古

附長短句

賦得寒蛩

唐耿漳

爾誰造鳴何早趯趯連聲徧陷草復與夜雨和遊人聽
堪老

蠅虎

宋陳師道

物微趣下世不數隨力捕生得稱虎匿形注目搖兩股

卒然一擊勢莫禦十中失一八九取吻間流血腹如鼓
却行奮臂吾甚武明日淮南作端午

五言排律

擬縣補以蟲鳴秋詩

宋朱子

天籟誰為主乘時各自鳴如分百蟲響來助九秋清未
歇吟風調先催泣露聲乾坤闢氛氣草木斂華英易斷
愁人夢難安嬾婦驚唯應廣成子萬感不關情

七言律

題水墨蓼花草蟲

明劉基

為愛江頭紅蓼花秋來獨作草蟲家
尋香粉蝶應隨夢采蜜黃蜂不趁衙
絡緯語殘涼露滴蜻蜓立困晚風斜
畫圖水墨驚初見却似扁舟過赤沙

五言絕句

絕句

唐崔國輔

樓前桃李疎池上芙蓉落
織錦猶未成蛩聲入羅幕

江行

唐錢起

蛩響依沙草螢飛透水煙夜涼誰詠史空泊運租船

禁中聞蛩

唐白居易

悄悄禁門閉夜深無月明西窗獨闇坐滿耳新蛩聲

獨夜

元趙孟頫

秋風動林葉夜雨滴池荷孤客睡不著亂蛩鳴更多

六言絕句

草蟲

明魯鐸

淑氣濃熏芳草晴絲不礙飛蟲春色都堪描畫無人畫

得東風

七言絕句

月夜

唐
劉方平

更深月色半人家
北斗闌干南斗斜
今夜偏知春氣暖
蟲聲新透綠窗紗

聞蛩

唐
白居易

聞蛩唧唧夜綿綿
況是秋陰欲雨天
猶恐愁人暫得睡
聲聲移近卧牀前

興州江館

唐鄭谷

向蜀還秦計未成
寒蛩一夜繞牀鳴
愁眠不穩孤燈寂
坐聽嘉陵江水聲

雨晴

唐王駕

雨前初見花間藥
雨後兼無葉裏花
蜂蝶飛來過牆去
却疑春色在鄰家

蛩

唐李中

月冷莎庭夜已深
百蟲聲外有清音
詩情正苦無眠處

魏爾階前相伴吟

聞蛩

宋張耒

二年江海轉萍蓬
白髮蒼顏換舊容
新月窺簾風動竹
宣城今夜又聞蛩

秋日

宋秦觀

月團新碾瀾花甕
飲罷呼兒課楚辭
風定小軒無落葉
青蟲相對吐秋絲

暮春

宋范浚

老去長閒百不營推書習靜更真清西窗日脚籬篩動
時有飛蟲撲紙聲

春日閒吟

宋
范成大

東風入簾圖畫響斜照穿隙網絲明簷間雙雀有時鬪
窗下一蟲終日鳴

秋日田園雜興

范成大

杞菊垂珠滴露紅兩蛩相應語莎叢蟲絲罥盡黃葵葉
寂歷高花側晚風

其二

靜看簷蛛結網低無端妨礙小蟲飛
蜻蜓倒掛蜂兒窘
催喚山童為解圍

蛩聲

宋
楊萬里

誠齋老子一歸休最感蛩聲五報秋
細聽蛩聲元自樂
人愁却道是他愁

臘裏立春蜂蝶輩出

楊萬里

嫩日催青出凍芽小風吹白落疎梅
殘冬未放春交割

早有黃蜂紫蝶來

宿官塔下院

金馮延登

喬松修竹翠交陰
涼月玲瓏布地金
老去無詩酬節物
夜涼閒聽候蟲吟

露坐

元張翥

官街人靜鼓鼕鼕
獨坐中庭滿扇風
墜地一絲和露濕
青蟲懸在月明中

夜坐口占

元顧瑛

虛庭月色不勝寒
況坐綠波亭上看
啼斷候蛩秋寂寂
好懷正在倚闌干

漁邨

明王璉

汀葦蒼蒼白露凝
一灘寒月未收罾
西風吹醒江南夢
四壁蛩聲半夜燈

踏青

明王寵

茶磨山前水似苔
紅粧隊隊踏青回
衣香花氣熏人醉
蛺蝶蜂兒撲面來

秋日雜興

明何景明

紫蔓青籐各一叢
野人籬落管西風
郊扉遠絕誰能到
秋日蟲鳴豆葉中

遣興

明僧明秀

白雲流水度虛屏
小坐池邊眼自醒
春事不知渾入夏
青蟲無力墮槐庭

秋夜

明孟淑卿

豆花雨過晚生涼
林館孤眠怯夜長
自是愁多不成寐

非緣金井有啼蜚

御定佩文齋詠物詩選卷四百七十五